



KOMUNALNO PREDUZEĆE
BUDUĆNOST A.D.
LAKTAŠI

Komunalno preduzeće "Budućnost" a.d. Laktaši
Karadorđeva 63, 78250 Laktaši
Tel/Fax: 051 532 072 | 051 530 645
Web sajt: www.kpbuducnost.com
E-Mail: buducnostadl@teol.net
Matični broj: 01164899
Upisano kod Osnovnog suda u Banjoj Luci
Registar br. MBS: 1-354-00

Broj nabavke: 2121/24

Broj: 200 /25

Datum: 10.02.2025. godine

Na osnovu člana 64. stav 1. tačka b), člana 68. stav 4. tačka i) i člana 70. stav 1., 4. i 6. Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14, 59/22 i 50/24), a na preporuku Komisije za javnu nabavku date u Zapisniku o ponovnom pregledu i ocjeni ponuda broj: 197/25 od 07.02.2025. godine, direktor KP "Budućnost" a.d. Laktaši, dana 10.02.2025. godine, donio je

O D L U K U

o izboru najpovoljnijeg ponuđača

I

Prihvata se preporuka Komisije za javnu nabavku data u Zapisniku o ponovnom pregledu i ocjeni ponuda broj: 197/25 od 07.02.2025. godine i okvirni sporazum za nabavku goriva dodjeljuje se ponuđaču **"Nestro petrol" a.d. Banja Luka**, ponuda broj: 21740/24 od 27.11.2024. godine, za ponuđenu konačnu ukupnu cijenu u iznosu od **216.720,00 KM** bez PDV-a, kao najpovoljnijem ponuđaču nakon uspješno provedene e-aukcije.

II

Ponuda ponuđača **"Darko-komerc" d.o.o. Laktaši** odbacuje se kao nepravilna jer ista nije u skladu sa zahtjevima iz tenderske dokumentacije.

III

Prijedlog okvirnog sporazuma dostaviće se na potpis izabranom ponuđaču **"Nestro petrol" a.d. Banja Luka** po proteku roka od 15 dana, računajući od dana kada su svi ponuđači obavješteni o izboru najpovoljnije ponude.

IV

Ova Odluka objaviće se na web stranici www.kpbuducnost.com istovremeno sa njenim upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

V

Ova Odluka dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 2121/24 od 07.11.2024. godine.

Javna nabavka je sprovedena putem otvorenog postupka.

Procijenjena vrijednost javne nabavke bez PDV-a iznosila je 224.000,00 KM.

Tenderskom dokumentacijom i Obavještenjem o nabavci predviđena je e-aukcija i zaključenje okvirnog sporazuma sa jednim ponuđačem na vremenski period od dvanaest mjeseci. Obavještenje o nabavci broj: 470-1-1-86-3-56/24 poslato je na objavljivanje dana 07.11.2024. godine, a objavljeno je na Portalu javnih nabavki dana 07.11.2024. godine, dok je sažetak Obavještenja o nabavci objavljen u "Službenom glasniku Bosne i Hercegovine" broj: 78/24 od 15.11.2024. godine.

Komisija za javnu nabavku imenovana je Odlukom o imenovanju komisije za javnu nabavku broj: 2122/24 od 07.11.2024. godine.

Dana 10.12.2024. godine Ugovorni organ je donio Odluku o izboru najpovoljnijeg ponuđača broj: 2361/24 od 10.12.2024. godine, kojom je okvirni sporazum za nabavku goriva dodijeljen ponuđaču "Darko-komerc" d.o.o. Laktaši, kao najpovoljnijem ponuđaču nakon okončane e-aukcije. Drugoplasirani ponuđač, "Nestro petrol" a.d. Banja Luka, izjavio je žalbu na Odluku o izboru najpovoljnijeg ponuđača i Zapisnik o pregledu i ocjeni ponuda, te je Kancelarija za razmatranje žalbi dana 23.01.2025. godine donijela Rješenje broj: JN2-02-07-1-3141-8/24, kojom je Odluka o izboru najpovoljnijeg ponuđača broj: 2361/24 od 10.12.2024. godine i Zapisnik o pregledu i ocjeni ponuda broj: 2335/24 od 09.12.2024. godine, te je predmet vraćen Ugovornom organu na dalje postupanje

Komisija za javnu nabavku goriva dostavila je dana 07.02.2025. godine Zapisnik o ponovnom pregledu i ocjeni ponuda broj: 197/25 od 07.02.2025. godine, sa preporukom.

U postupku po Zapisniku o ponovnom pregledu i ocjeni ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su ukupno pristigle 3 (tri) ponude;
- da su blagovremeno zaprimljene 3 (tri) ponude;
- da nema neblagovremeno zaprimljenih ponuda;
- da su ponude ponuđača: "Super-petrol" d.o.o. Banja Luka i "Nestro petrol" a.d. Banja luka – prihvatljive;
- da je ponuda ponuđača "Darko-komerc" d.o.o. Laktaši nepravilna, te je data preporuka za njeno odbacivanje.

Komisija za javnu nabavku je u Zapisniku o ponovnom pregledu i ocjeni ponuda broj: 197/25 od 07.02.2025. godine navela da je prilikom pregleda i ocjene ponude ponuđača "Darko-komerc" d.o.o. Laktaši imala u vidu obrazloženje Rješenja Kancelarije za razmatranje žalbi broj: JN2-02-07-1-3141-8/24 od 23.01.2025. godine, u kojem je, između ostalog, navedeno da je u ponudi ponuđača "Darko-komerc" d.o.o. Laktaši vidljivo da je isti dostavio fiskalni račun i kopiju fiskalnog računa u kojem je za tečni naftni gas navedena cijena od 1,35 KM sa PDV-om, dok je u Obrascu za cijenu ponude za tečni naftni gas navedena cijena od 1,20 KM bez PDV-a, što nije tačna cijena, te da prostim izračunom cijena bez PDV-a iznosi 1,154 KM, kako je izabrani ponuđač "Darko-komerc" d.o.o. Laktaši i naveo u Izjavi o maloprodajnoj cijeni tečnog naftnog gasa (LPG) od dana 27.11.2024. godine. U obrazloženju predmetnog Rješenja je nadalje navedeno da samim tim iz Izjave izabranog ponuđača proizilazi da cijena koja je za tečni naftni gas (LPG) navedena u Obrascu nije tačna, te da je Tenderskom dokumentacijom jasno propisano da se za dokazivanje ponudene cijene koriste fiskalni računi, iz kojih se između ostalog i utvrđuje cijena, slijedom čega je izabrani ponuđač cijenu naznačenu na fiskalnim računima trebao navesti i u Obrascu za cijenu ponude, zbog čega postoji nesuglasje između ponude izabranog ponuđača i tenderske dokumentacije, a što je suprotno članu 57. stav 1. Zakona o javnim nabavkama.

Komisija za javnu nabavku je u Zapisniku dalje navela da je ponuđač u Obrascu za cijenu ponude naveo jediničnu cijenu tečnog naftnog gasa (LPG) u iznosu od 1,20 KM bez PDV-a, dok je u Izjavi o maloprodajnoj cijeni tečnog naftnog gasa (LPG) od dana 27.11.2024. godine naveo da maloprodajna cijena predmetne robe na njegovoj pumpi na dan 27.11.2024. godine iznosi 1,154 KM bez PDV-a, pri čemu je u ponudi dostavio fiskalni račun i kopiju fiskalnog računa od 27.11.2024. godine na kojima je navedena cijena tečnog naftnog gasa (LPG) u iznosu od 1,35 KM sa PDV-om, te da na taj način ponuđač nije postupio u skladu sa zahtjevom iz Tenderske dokumentacije kojom je određeno da je za dokazivanje ponuđene cijene ponuđač dužan dostaviti kopije fiskalnih računa, iz čega proizilazi da je ponuđač bio dužan za tečni naftni gas navesti istu cijenu u Obrascu za cijenu ponude i Izjavi o maloprodajnoj cijeni tečnog naftnog gasa (LPG). S obzirom da ponuđač "Darko-komerc" d.o.o. Laktaši nije naveo istu cijenu tečnog naftnog gasa (LPG) u Obrascu za cijenu ponude i Izjavi o maloprodajnoj cijeni tečnog naftnog gasa (LPG), to ponuda istog nije u skladu sa zahtjevima iz Tenderske dokumentacije, te je ista u skladu sa odredbama Zakona o javnim nabavkama ocijenjena nepravilnom, zbog čega je Komisija preporučila njeno odbacivanje.

Ugovorni organ je prihvatio preporuku Komisije za javnu nabavku, te je odbacio ponudu ponuđača "Darko-komerc" d.o.o. Laktaši, kao nepravilnu.

Članom 2. stav 1. tačka 1) Zakona o javnim nabavkama propisano je, između ostalog, da je ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji, pri čemu je nepravilna ponuda ona koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska. Članom 57. stav 1. Zakona o javnim nabavkama propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije. Članom 68. stav 4. tačka i) Zakona o javnim nabavkama propisano je da je ugovorni organ dužan odbaciti ponudu u slučaju da ista nije u skladu sa zahtjevima iz tenderske dokumentacije.

Imajući u vidu da je ponuđač "Darko-komerc" d.o.o. Laktaši naveo različite cijene tečnog naftnog gasa (LPG) u Obrascu za cijenu ponude i Izjavi o maloprodajnoj cijeni tečnog naftnog gasa (LPG), te da je Tenderskom dokumentacijom propisano da je dokazivanje ponuđene cijene ponuđač dužan dostaviti kopije fiskalnih računa, to ponuđač na taj način nije postupio u skladu sa zahtjevom iz tenderske dokumentacije, zbog čega je njegova ponuda nepravilna, zbog čega se ista odbacuje shodno članu 68. stav 4. tačka i) Zakona o javnim nabavkama.

Komisija je nadalje u Zapisniku o ponovnom pregledu i ocjeni ponuda navela da su ponuđači "Super-petrol" d.o.o. Banja Luka i "Nestro petrol" a.d. Banja Luka dostavili svu traženu dokumentaciju, da njihove ponude ne sadrže računске greške, te da su njihove ponude prihvatljive.

Iz Zapisnika o ponovnom pregledu i ocjeni ponuda je nadalje vidljivo da je provedena e-aukcija, da je ista počela dana 07.02.2025. godine u 13,00 časova, a završena u 13,10 časova, te da je konačna rang lista ponuđača koji su učestvovali u e-aukciji sljedeća:

R. br.	Naziv ponuđača	Konačna cijena bez PDV-a (KM)	Rang
1.	"Nestro petrol" a.d. Banja Luka	216.720,00	1
2.	"Super-petrol" d.o.o. Banja Luka	222.500,00	2

Uvidom u priloženu dokumentaciju, nesporno je da je izabrani ponuđač, nakon provedene e-aukcije, najbolje ocjenjen na osnovu kriterija «najniža cijena», te je utvrđena sljedeća rang lista:

R. br.	Naziv ponuđača	Konačna cijena bez PDV-a (KM)	Rang
1.	"Nestro petrol" a.d. Banja Luka	216.720,00	1
2.	"Super-petrol" d.o.o. Banja Luka	222.500,00	2

U postupku donošenja ove Odluke posebno su cijenjene činjenice da je Komisija, potpuno i pravilno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.


U postupku ocjene provedenog postupka, nisu pronađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, a primjenom člana 64. stav 1. tačka b) i 68. stav 4. tačka i) Zakona o javnim nabavkama odlučeno je kao u dispozitivu Odluke.

Pouka o pravnom lijeku

Protiv ove Odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke.

ZA UGOVORNI ORGAN
Direktor

Dragan Kelečević


Dostaviti:

- Ponuđaču: "Super-petrol" d.o.o. Banja Luka,
- Ponuđaču: "Nestro petrol" a.d. Banja Luka,
- Ponuđaču: "Darko-komerc" d.o.o. Laktaši.